

四庫全書

史部

欽定四庫全書

欽定歷代職官表卷六十一

鹽政表

鹽政督撫煎管鹽政

三代秦漢後漢三國晉

宋齊梁陳

北魏

北齊

後周

隋

唐

五季

宋

遼

金

元

明

天農丞以捐者  
管鹽鐵僕射監  
事鹽官

鹽鐵使  
節度使  
節度使  
黃領監  
提刑使  
鐵使司  
黃領監  
鐵使  
黃領監  
鹽

行臺御史  
巡鹽  
史黃管  
史

都轉運使	驛鹽道法道	運同副
司鹽都尉	司鹽都尉	
尉	尉	
監	監	監
鹽池總樞鹽使	鹽池總樞鹽使	鹽池總樞鹽使
提舉茶鹽司	提舉茶鹽司	提舉茶鹽司
司		
鹽使司		運同知
運鹽使		運同知
		運同知
		運同知

鹽課司提舉監製官 運判

鹽課司提舉

鹽課司提舉

鹽課司提舉

鹽課司提舉

鹽課司提舉

鹽課司提舉

鹽課司提舉

鹽課司提舉

鹽課司提舉

鹽課司提舉

鹽課司提舉

鹽課司提舉

鹽課司提舉

鹽課司提舉

運判官

運判官

運判官

鹽課司提舉

鹽課司提舉

鹽課司提舉

鹽課司提舉

批驗所大使大倉庫使大經歷知事巡檢

鹽池總  
監丞

鹽池四  
面監丞

批驗所  
大使  
庫大使

都監  
經歷  
知事  
知法  
提撥  
積

# 鹽政

## 國朝官制

鹽政長蘆兩淮各一人

山東

特旨簡用或都察院奏差各帶原銜品級

福建

甘肅四川兩廣以總督兼理兩浙雲南貴州均以巡撫管理河東以山西巡撫管理

掌弊羣吏糾其徵收督催之不如法者以時審其價而酌劑之凡鹽賦之奏課與鹽法之宜更者以聞總督巡撫兼鹽政者亦如之

國朝初承明制各省置巡鹽御史後定為鹽政由

特旨簡充其由都察院奏差者亦以鹽政名之

由內務府官員

簡充者

仍帶御史銜

各省以督撫兼管者皆因地制宜永

為恒式焉

都轉運鹽使司運使長蘆山東河東兩淮兩廣各一人

從三品

鹽道兩浙福建陝西四川雲南各一人

正四品

其餘

各直省行銷地官鹽法多由駐劄省城守巡道兼理

掌督察場民之生計與商之行息而平其鹽價水

陸挽運必計其道里時其往來平其貴賤俾商無  
滯引民免澹食以聽於鹽政及兼理鹽政之督撫  
焉

國初定兩浙福建運使各一人康熙四十九年改兩  
浙運使為驛鹽道雍正四年改福建運使為鹽法  
道

分司運同長蘆山東河東兩廣各一人

從四品

運副兩浙

一人

從五品

運判長蘆二人山東兩浙各一人兩淮三人



從六

品

運同運副運判掌分司產鹽之地而糾察之輔運  
使鹽道以分治其事長蘆分司天津運同薊永運  
判各治場四滄州運判治場二山東分司濱樂運  
同膠萊運判各治場五兩淮分司泰州運判治場  
十有一通州運判治場九海州運判治場三河東  
中分司運同治山西解州安邑縣鹽池一場三兩  
浙分司寧紹運副治場二十嘉松運判治場十有

二廣東分司惠潮汀贛運同治場十有三

國初定兩淮兩浙長蘆河東山東兩廣運同各一人

副使一人兩淮運判四人兩浙長蘆山東河東運

判各一人康熙十六年裁各鹽運同副使十七年

復設長蘆山東兩浙鹽運同知各一人兩浙副使

一人三十八年裁兩淮運判一人四十三年裁兩

浙運同雍正三年增設河東兩廣運同各一人

監掣同知兩淮二人

正五品

鹽課提舉司提舉雲南三人

正五  
品

監掣同知掌掣鹽之政令鹽課提舉司提舉分轄  
鹽井之政職掌與運司所屬分司同

國初定雲南提舉司三人廣東提舉司一人雲南廣  
東吏目各一人康熙三十二年裁廣東提舉一人  
吏目並裁

鹽課司大使

正八品

長蘆山東各十人河東三人兩淮二

十三人兩浙三十二人陝西一人廣東十三人四川七

人雲南九人

正八品

掌鹽場及池井之務凡直省有沿海及有池之地  
聽民闢地為場置竈開畦為鹽而授之商或官出  
帑收鹽授之商而行之以鹽課大使掌其池場之  
政令與場地之徵收其有井者分掌其政令皆治  
其交易審其權衡而平準之日稽其所出之數以  
杜私販之源

國初設大使之職酌場地池井之多寡而為之額嗣

後因時分併增設如今額焉

鹽引批驗所大使長蘆山東兩淮各二人兩浙四人兩

廣一人

正八品

庫大使長蘆山東河東兩淮兩浙福建兩

廣四川雲南各一人

正八品

經歷長蘆山東河東兩淮兩

浙兩廣各一人

從七品

知事長蘆河東兩淮兩廣各一人

從八品

巡檢兩淮二人

從九品

批驗所大使掌批驗鹽引之出入庫倉大使掌鹽課之收納而監理其倉庫經歷知事掌稽核文書

巡檢掌巡察鹽場員額康熙以來陸續定設因其  
事之繁簡而置員其缺者則以運副運判及課大  
使兼理其事焉

### 歷代建置

### 三代

周禮天官鹽人掌鹽之政令以共百事之鹽賈公  
彥疏謂四方鹽來鹽有數種處置不同

謹按周禮有鹽人掌鹽之致用與後世設官徵

課者不同蓋周時所建山澤之官皆掌其政令之厲禁而非以征權取財故鹽課之官為周時所未有然曰掌其政令以共百事則所以規度處置之者必有其法制焉而非僅若醢人醢人臠司烹飪者比矣故附著之以明鹽政設官之緣起

管子海王之國謹正

注稅也  
音征

鹽筴十口之家十

人食鹽百口之家百人食鹽終月大男食鹽五

升少半大女食鹽三升少半吾子食鹽二升少半

注吾子謂少男少女也

鹽百升而釜令鹽之重升加分强釜

五十也

注分强半强也今使鹽官稅其鹽之重每一斗加半合為强而取之則一釜之鹽得

五十合而為之强

升加一强釜百也升加二强釜二百也

鍾二千十鍾二萬百鍾二十萬十鍾二百萬萬乘

之國人數開口千萬也禹

注禹對也

箕之商日二百萬

又曰齊有渠展之鹽請伐道薪煮水為鹽正而積

之十月始征至於正月成二萬鍾



春秋左氏傳 晏子對叔向曰海之鹽蜃祈望守之  
謹按管仲用齊後山海之利始興鹽鐵之征觀  
其論鹽雖少男少女所食亦將計之而煮海出  
鹽實由之始其鹽官置稅則後世以鹽事設官  
者亦肇端於此而左氏所云祈望之官亦其一  
也謹附著之以明相因所自云

秦

史記平準書秦賦鹽鐵之利二十倍於古漢興循

而未改

謹按秦代鹽官無可考而利二十倍見於史文  
馬端臨云史言高祖省賦而復言鹽鐵之利仍  
秦者蓋當時封國至多山澤之利在諸侯王國  
者皆循秦法取之以自豐也

漢

史記武帝本紀元狩四年置鹽鐵官

史記平準書以東郭咸陽孔僅為大農丞領鹽鐵

事孔僅咸陽言山海天地之藏也皆宜屬少府陛下不私以屬大農佐賦願募民自給費因官器作煮鹽官與牢盆敢私鑄鐵器煮鹽者鈇左趾沒入其器物

謹按漢初省賦弛山澤之禁不入於縣官經費故吳王濞得東煮海為鹽國以富益至武帝始置鹽鐵官領於大農官與牢盆私煮有禁於是鹽始為官物民不得私其利矣其時郡國有鹽

官者凡二十四

見漢書地理志

至昭帝時郡國舉賢良

文學皆願罷鹽鐵官與御史大夫反覆相難卒從而罷之其後旋罷旋復蓋不為定其經常之制則牢籠盡取其與廢弛不脩弊正相等此武帝鹽鐵之官所以為後代常制也

冊府元龜元帝時嘗罷鹽鐵官三年而復之

後漢書郡國志郡有鹽官鐵官者隨事廣狹置令長及丞本注曰凡郡縣出鹽多者置鹽官主鹽稅

馬端臨文獻通考明帝時官自鬻鹽時穀貴縣官  
用度不足尚書張林請官可自鬻鹽帝以林言為然  
冊府元龜後漢光武初建武彭寵為漁陽太守有  
舊鹽鐵官永元十五年復置涿郡故鹽鐵官

文獻通考獻帝建安初置使者監賣鹽時關中百  
姓流入荊州者十餘萬家企願思歸而無以自業  
衛覲議以為鹽者國家之大寶自喪亂以來放散  
宜依舊置使者監賣以其直益市犁牛百姓歸者

以供給之魏武於是遣謁者僕射監鹽官

謹按管仲興煮鹽之政其時已有鹽官武帝之  
置鹽鐵官特沿往制而漢書不詳其品秩至後  
漢郡有鹽官鐵官者隨事廣狹置令長及丞其  
秩皆如縣官則與隋志諸鹽池監品秩大畧相  
當蓋如今鹽課大使之職也至建安初魏武遣  
謁者僕射監鹽官於是鹽官之上又設監以董  
之與巡鹽之職漸復相近然觀衛覬創議以為

宜依舊置使是鹽官有監固不始於建安時考  
明帝時有官自鬻鹽之令則鹽官置監意必昉  
於其時矣

三國

杜佑通典魏制九品第六品司鹽都尉第八品司  
鹽監丞

冊府元龜蜀先主定益州置鹽府校尉

晉

通典晉官制第六品司鹽都尉第八品司鹽監丞  
謹按司鹽之職魏始置之晉代循而不改其云  
都尉蓋近於今都轉運鹽使監丞則運同運判  
之類也考漢末魏武以謁者僕射為鹽官監而  
魏晉官秩謁者僕射品在第五意晉代亦必循  
之而不改歟

宋齊梁陳

文獻通考陳文帝天嘉二年太子中庶子虞荔御史



中丞孔奭以國用不足奏立煮海鹽稅從之

北魏

魏書食貨志河東郡有鹽池嘗立官司以收稅既而罷之延興末復立鹽司○孝昌三年長孫稚上表曰鹽池天資賄貨密邇京圻昔高祖昇平之年無所乏少猶創置鹽官而加之典制非與物競利恐由利而亂俗也臣輒符司監將尉還率所部依常收稅更聽後勅

北齊

無考

後周

文獻通考後周文帝置掌鹽之政令一曰散鹽煮海以成之二曰監鹽引池以化之三曰形鹽掘地以出之四曰飴鹽於戎以取之凡監鹽每池為之禁百姓取之皆稅焉

隋

隋書百官志鹽池置提監副監丞等員管東西南

北面等四監亦各置副監及丞鹽池總監視從六  
品鹽池總副監視從七品鹽池四面監視正八品  
鹽池四面副監鹽池總監丞視從八品鹽池四面  
監丞視從九品

謹按隋始置鹽池監丞其制以四面監治鹽事  
而總監統領之蓋如鹽課大使之領於運同運  
判其制相為彷彿而監下有丞則亦知事巡檢  
之類也

唐

唐書百官志諸鹽池監監一人正七品下掌鹽功

簿帳

有錄事一人史二人

唐書食貨志乾元元年鹽鐵鑄錢使第五琦初變  
鹽法就山海井竈近利之地置監院鹽鐵使劉晏  
以鹽利多則州縣擾出鹽鄉因舊監置吏吳越揚  
楚鹽廩至數千積鹽二萬餘石有漣水湖州越州  
杭州四場嘉興海陵鹽城新亭臨平蘭亭永嘉大

昌侯官富都十監自淮北置巡院十三曰揚州陳  
許汴州廬壽白沙淮西甬橋浙西宋州泗州嶺南  
兗鄆鄭滑宣宗乃擇嘗更兩畿輔望縣令者為監  
院官

冊府元龜肅宗乾元元年司金郎中第五琦

按唐書云

鹽鐵鑄錢使第五琦蓋以郎中為使正如今鹽政以京職差充也為河南等五道

度支使創立鹽法就山海井竈收權其鹽官置吏  
出糶其舊業戶并浮戶願為業者免其雜徭隸鹽

鐵使○元和三年七月復以度支安邑解縣兩池  
留後為權鹽使先是兩池鹽務隸度支其職視諸  
道巡院貞元十六年史年以金部郎中主池務遂  
奏置使額二十一年鹽鐵度支合為一使以杜佑  
兼領佑遂奏院屬度支亦有使名則鹽務不合有  
使號遂與東渭橋給納使同奏罷之至是判度支  
裴均以其事益繁遂奏置使焉

謹按冊府元龜載唐元宗開元元年十一月河

中尹姜師度以安邑鹽池漸涸師度開拓疏決  
水道置為鹽池公私大收其利左拾遺劉彤請  
詔鹽官收其利遂令將作大匠姜師度戶部侍  
郎強循俱攝御史中丞與諸道按察使檢校海  
內鹽鐵之課比令使人勾當蓋是時未立權鹽  
之法亦未設鹽鐵使故姜師度等特與諸道按  
察使檢校鹽鐵也姜師度為將作大匠強循為  
戶部侍郎其出而檢校鹽鐵則俱攝御史中丞

明代巡鹽以御史充蓋昉於此唐諸道有鹽鐵使起於第五琦設立鹽法之後至皇甫鎛又奏設安邑解縣兩池榷鹽使考鹽鐵使之職王播以刑部侍郎充裴休以戶部侍郎充令狐楚以左僕射充當時委任最重故戶部侍郎判度支張平叔特請以廟內宰相充關內河東山劍等道鹽鐵使此與今之鹽政奉

特旨以部院及內務府官簡放而總其成於戶部其



制畧相似也唐制雖以鹽鐵名使而所轄非止  
鹽鐵志載鹽鐵使裴立休立稅茶之法以及諸  
道鹽鐵有應管銀山二十五所是也又一使往  
往兼數使之職唐書食貨志謂天下財賦鑄錢  
常平轉運鹽鐵置二使東都畿內河南淮南江  
東西湖南荆南山南東道以轉運使劉晏領之  
京畿關內河南劍南山南西道以京兆尹判度  
支第五琦領之是也李巽王涯盧坦鄒公綽崔

珙皆為鹽鐵轉運使則以鹽鐵而兼轉運包估  
為汴東水陸運兩稅鹽鐵使則以鹽鐵而兼兩  
稅令狐楚以鹽鐵兼榷茶等使元琇以鹽鐵兼  
榷酒等使今運使不兼他官專主鹺務鹽道亦  
不以使名雖與鹽鐵使微異而實分鹽鐵使之  
職掌今之鹽政在明為巡鹽御史職主巡察實  
董運使之成與唐之鹽鐵使職掌雖殊而體制  
同也唐志載所屬十監官及十三巡院官當與

今十四分司相近唐志又載兩池榷鹽使以郎官為之專主河東池鹽度其職掌當為今之河東運使矣

冊府元龜開成四年黨羌叛擾饋運不通供軍使請榷市河東白池鹽供食其白池屬河東節度使昭宗天復元年梁太祖兼領河中節度使奏歲貢課鹽三千車臣令代領池場請加二千車

謹案唐鹽鐵使如今之鹽政而鹽鐵使之職或

以朝臣充或兼領於節鎮如河東河中節度使  
之兼領池場是也

國朝兩浙福建等省以督撫綜理鹽政蓋亦節鎮  
領權使之制也

### 五季

文獻通考後唐天成元年勅諸州府合散蠶鹽二  
月內一度俵散依夏稅限納錢○晉天福七年勅  
諸道應有保屬州縣鹽務並令省司差人勾當

冊府元龜唐開成元年蘇州刺史盧商變鹽法獲利最多鹽鐵使以課績上聞周廣順三年張崇訓以解州刺史充兩池鹽榷使奏寬鹽禁

謹按後漢時郡國有鹽者別立鹽官職如令丞至唐末及五季始有以刺史管鹽事者其時刺史即今之郡守

國朝臺灣鹽場以知府管理職掌同鹽法道其制亦相仿也

宋

宋史職官志提舉茶鹽司掌摘山煮海之利以佐國用皆有鈔法視其歲額之登損以詔賞罰凡給之不如期鬻之不如式與州縣之不加恤者皆劾以聞政和改元詔江淮荆浙六路共置一員既而諸路皆置中興後通置提舉常平茶鹽司紹興五年戶部侍郎王鈇言常平之設科條實繁其利不一豈一主管官能勝其任乃詔諸路提舉茶鹽官

改充提舉常平茶鹽公事如四川無茶鹽去處仍以提刑兼充茶鹽司置官提舉本以給賣鈔引通商阜財時詣所部州縣巡歷覺察禁止私販按劾不法其屬有幹辦官既與常平合一遂並行兩司之事焉○提舉制置解鹽司掌鹽澤之禁令使民入粟塞下予鈔給鹽以足民用而實邊脩允鹽價高下及文鈔出納多寡之數皆掌之

文獻通考政和改元詔江淮荆浙六路共置茶鹽

提舉一員宣和三年詔河北京東路推行新法鈔

鹽可添置提舉官一員此提舉茶鹽之所始也

宋茶

鹽事舊隸發運司元豐間或以轉運常平官兼提舉或以提刑兼領知通提轄政和以後始專設官

吏

既而諸路皆置建炎四年詔逐路提刑司茶鹽

司并依舊分東西路紹興二年詔荆湖北路復置

提舉茶鹽司四年詔廣西茶鹽司官吏並罷其職

事委漕臣五年詔諸路提舉常平併入茶鹽司仍

以提舉常平茶鹽等公事為名九年置經制司東



南以茶鹽司兼領

謹按宋志謂發運使兼制茶鹽泉寶之政通考  
謂宋茶鹽事舊隸發運司元豐間或以轉運使  
兼提舉或以提舉常平官兼領陳傅良亦謂國  
初鹽筴只聽州縣給賣歲以所入課利申省而  
轉運司掾其贏以佐一路之費至崇寧三年始  
別差官提舉茶鹽紹興八年以程邁充經制發  
運使邁上疏以租庸常平鹽鐵鼓鑄皆分於諸

司而總於戶部發運使無所用之是則宋代鹽法自設提舉茶鹽司之後其職即有專屬不復統於諸路監司矣至通考謂二廣之鹽皆屬於漕司紹興八年詔廣東兩漕司鬻鹽以其息什四為州用則漕司亦與茶鹽司並轄其政又通考載熙寧五年盧秉提點兩浙刑獄仍專提舉鹽事宋志載建炎四年淮南東路罷提刑令提舉茶鹽官兼領然則提刑與茶鹽提舉二職又

往往相通蓋其時嚴捕盜販刑禁苛酷鹽官之職即刑官之職故權鹽或以提刑掌之也總而論之宋代經制不定更改甚多一權鹽之使或領於轉運或領於提刑或領於提舉常平又或罷漕憲提舉而以茶鹽司兼領之變遷紛出迄無常制以視我

朝之設官綜理大小相維較然畫一者相去益霄壤矣至宋之茶鹽提舉與今之鹽課提舉異鹽

課提舉即運同運判之職而宋之茶鹽提舉則  
今運使鹽道之職也

文獻通考元祐元年戶部及陝西制置解鹽司議  
延慶渭原環鎮戎保安德順等八州皆禁權官自  
鬻以萬五千五百席為額商旅入納於八州軍折  
博務算給交引一如范祥舊法其出賣到鹽錢以  
給轉運司糶賣從之

謹按唐有諸道鹽鐵使惟於兩池則專設權鹽

使宋有諸道提舉鹽司惟於兩池則專設提舉  
解鹽司呂祖謙謂當時南方之鹽全在海北方  
全在解池南方之鹽管得其人則其害少惟北  
方解池之鹽有契丹西夏之鹽嘗相叅錯奪解  
池之利又沈括筆談謂解州鹽澤方百二十里  
其北有堯捐水一謂之巫咸河大滴之水不得  
甘泉和之不能成鹽惟巫咸入水則鹽不復結  
故人謂之無鹽河為鹽澤之患築大堤以防之

甚於脩寇盜據此諸說則解鹽較諸道利溥而弊多故條令極煩非專立鹽司不足以任其職也至祖謙謂解池之鹽朝廷專使以領之其實宋之解鹽司即本於唐之兩池榷鹽使均因地以立制爾我

朝設河東鹽政其措置池鹽立法詳脩初不異於東南煮海之鹽蓋規制益為精詳矣

遼

遼史百官志五京諸使職名某京某使王崇重熙  
中為上京鹽鐵使

王圻續文獻通考遼南面官上司有鹽鐵使司

金

金史百官志山東鹽使司與寶坻滄解遼東西京

北京凡七司使一員正五品他司皆同副使二員

正六品他司皆一員判官三員正七品泰和作四員寶坻解州設二員

餘司皆一員掌幹鹽利以佐國用管勾二十二員正九

品 實城解西京則設六員北京遼滄州則設四員同管勾都同監皆省 掌分管諸場

發賣收納恢辦之事同管勾五員都監八員監同

各七員知法一員

司吏二十三人女直三人漢人十九人譯人一人抄事公使四

十人他司皆同

謹按唐之鹽鐵使宋之茶鹽司雖領釐政而名

兼茶冶與今運鹽使司所掌稍有異同至金立

鹽使司則即今運鹽使司之職金制鹽使司有

副使有判官則即今之運副運判矣管勾二十



二員掌分管諸場發賣收納恢辦之事則即今之各場鹽課司大使而都監監同知法當即今之經歷知事矣

元

元史百官志兩淮都轉運鹽使司秩正三品國初兩淮內附以提舉專掌鹽課之事至元十四年始置司於揚州使二員正三品同知二員正四品副使一員正五品運判二員正六品經歷一員從七

品知事一員從八品照磨一員從九品三十年悉  
罷所轄鹽司以其屬置場官大德四年復置批驗  
所於真州采石等處鹽場二十九所場司令一員  
從七品司丞一員從八品管勾一員從九品辦鹽  
各有差批驗所每所提領一員正七品大使一員  
正八品副使一員正九品掌批驗鹽引○兩浙都  
轉運鹽使司秩正三品使二員同知二員運判二  
員經歷知事各一員照磨一員至元十四年置司

杭州大德三年定其產鹽之地立場有差仍於杭州嘉興紹興溫台等處設檢校四所專驗鹽袋毋過常度鹽場三十四所每所司令一員從七品司丞一員從八品管勾一員從九品○福建等處都轉運鹽使司秩正三品使二員同知二員通判二員經歷知事各一員照磨一員至元十四年始置市舶司領煎鹽徵課之事二十四年改立鹽運司二十九年罷立提舉司大德四年復為運司九年

復罷併入元帥府兼掌之十年復立都提舉司至  
大四年復陞運司徑隸行省凡置鹽場七所每所  
司令一員從七品司丞一員從八品管勾一員從  
九品○廣東鹽課提舉司至元十三年始從廣州  
煎辦鹽課十六年隸江西鹽鐵茶都轉運司二十  
二年併入宣慰司二十三年置市舶提舉司大德  
三年改廣東鹽課提舉司提舉一員從五品同提  
舉一員從六品鹽提舉一員從七品鹽場十三所

每所司令一員從七品司丞一員從八品管勾一員從九品○四川茶鹽轉運司成都鹽井九十五處散在諸郡山中至元二年置興元四川轉運司專掌煎熬辦課之事八年罷之十六年復立轉運司十八年併入四川宣慰司十九年復立陝西四川轉運司統轄諸課程事二十二年置四川茶鹽運司秩從三品使一員同知副使運判各一員經歷知事照磨各一員鹽場一十二所每所司令一

員從七品司丞一員從八品管勾一員從九品○  
廣海鹽課提舉司至元三十一年置專職鹽課秩  
正四品都提舉二員從四品同提舉二員從五品  
副提舉二員正六品知事一員提控案牘一員

續文獻通考大都河間等路山東東路都轉運鹽  
使司設官與兩淮等處同大都常以戶部尚書充  
使山東以中書以左右部兼使俱頒分符印巡行  
郡邑以防私鹽之弊大都河間二十二所設官與

前同山東東路鹽場一十九所設官與前同河東  
陝西等處鹽司所屬解鹽場管勾一員正九品同  
管勾一員從九品河東等處解鹽提領所正提領  
一員從八品副提領一員從九品安邑等處解鹽  
管民提領所正提領設官同前檢校批驗所至正  
二年中書省講究鹽法奏准於杭州嘉興紹興溫  
台四處各置檢校批驗所直隸運司專掌批驗鹽  
商引冒均平袋法稱盤等事每所置檢校批驗官

一人相副官一人

謹按元百官志載兩淮兩浙福建三都轉運鹽  
使司廣東鹽課提舉司四川茶鹽轉運司廣海  
鹽課提舉司凡六而元食貨志及續文獻通考  
又載大都河間山東陝西諸運司百官志乃不  
載不知罷於何年也又考金史百官志有運副  
運判而無運同知元百官志載同知二員為今  
運同之所昉也又考元食貨志載御史臺准陝



西臺脩咨監察御史建言近蒙委巡歷奉元東  
道至元元年各州縣戶口額辦鹽課又載福建  
山東俵賣食鹽病民為甚行省監察御史廉訪  
司與該有司宜同訓究又載御史臺准江南諸  
道行御史臺脩咨監察御史建言廣東道鹽額  
凡此皆以諸道行臺御史兼理鹽法與明制巡  
鹽御史相近明以御史巡鹽即元食貨志所云  
委巡也雖元之行臺統一道之事鹽法非其專

掌而寔為明巡鹽御史所自始今各省鹽政多以部院官充或仍由都察院奏派雖沿明制寔則開於元也至於金史運副運判之下即為管勾管勾之下又有同管勾都監等官管勾分司諸場則為今之鹽課大使可知元於各場司令之下又有司丞司丞之下乃為管勾則元之司令如今鹽課大使而管勾秩又較卑矣

明

明史職官志都轉運鹽使司都轉運使一人

從三品

同知一人

從四品

副使一人

從五品

判官無定員

從六品

其屬經歷一人

從七品

知事一人

從八品

庫大使副使

各一人所轄各場鹽課司大使副使各鹽倉大使

副使各批驗所大使副使並一人

俱未入流

都轉運使

掌鹽鹽之事同知副判分司之都轉運鹽使司凡

六曰兩淮曰兩浙曰長蘆曰河東曰山東曰福建

分司十四泰州淮安通州隸兩淮嘉興松江寧紹

溫台隸兩浙滄州青州隸長蘆膠萊濱樂隸山東

解鹽東場西場中場隸河東分副使若副判莅之

督各場倉鹽課司以摠於都轉運使以奉巡鹽御

史或鹽法道臣之政令

福建山東無  
巡鹽御史

○鹽課提舉

司提舉一人

從五品

同提舉一人

從六品

副提舉無定

員

從七品

其屬吏目一人

從九品

庫大使副使並一人

所轄各鹽倉大使副使各場各井鹽課司大使副

使並一人提舉司凡七曰四川曰廣東海北

廣州曰

黑鹽井

楚雄

曰白鹽井

姚安

曰安寧曰五井

大理

曰察罕

諾爾

舊作腦兒今改

又有遼東煎鹽提舉司

提舉正七品同提舉正八

品副提舉正九品

其職掌皆如都轉運司明初置都轉運

司於兩淮吳元年置兩浙都轉運司於杭州定都

轉運使秩正三品設同知

正四品

副使

正五品

運判

正六

品

經歷

正七品

知事

正八品

照磨綱官

正九品

鹽場設司

令

從七品

司丞

從八品

百夫長

省注

洪武二年置長蘆河

東二都轉運司及廣東海北鹽課提舉司尋又置

山東福建二都轉運司三年又於陝西察罕諾爾之地置鹽課提舉司後漸增置各處建文中改廣東提舉為都轉運司永樂初復故十四年初命御史巡鹽景泰三年罷長蘆兩淮巡鹽御史令撫按官兼理已復遣御史其無御史者分按察司理之

又洪武中於四川置茶鹽都轉運司

洪武五年置設官如都轉

運鹽使司

納奚白渡二鹽馬司

洪武五年置以常選官為司令內史

為司丞十三年罷尋復置十五年改設大使副使各一人

後並革又有順龍鹽

馬司亦草○批驗所大使一人副使一人掌驗茶

鹽引

續文獻通考太祖丙午年初置都轉運鹽使司於  
兩淮吳元年置於兩浙洪武二年置於河東陝西  
河間長蘆福建五年置四川納奚白渡二鹽馬司  
及四川茶鹽都轉運司又明年草茶鹽都轉運司  
十三年定都轉運使正四品後改從三品鹽課提  
舉司國初已漸增設建文中改廣東鹽課司為都

轉運鹽使司又有煎鹽提舉司制如府

謹按鹽鹽之興乃天地自然之利而為民生日用所必需其經制而攝理之於以通商惠民而上供國家之課則在於立法用人之善自鹽絀致貢見於夏書成周有山澤之賦有商賈之阜貨通財雖不專為鹽設而鹽寔在其中至漢興鹽鐵置官唐多設鹽鐵之使惟劉晏為最善其上鹽法輕重之宜立常平鹽法輕稅減價而鹽



課遂以日增其立法差善宋代鹽官或以監司  
兼管或特設提舉而轉兼監司之事累朝迭有  
更改而鹽法迄無定制明始立都轉運使鹽道  
鹽提舉等官而以巡鹽御史統之其弊也委用  
不得其人重為稅額復加之以格外之徵求倚  
勢作威剝商病民窮村遠壤至有經月不得鹽  
食者私販之禁既重民或糾徒挺械冒禁取利  
盜劫縱橫肆無忌畏而官亦無以禁止之蓋至

於商民俱困而國家亦不得收其利矣我

朝正定鹽法建官綜理各場大使專掌政令分轄  
於運司運判摠屬於運鹽使鹽法道而以鹽政  
受其成至鹽政之差不專出於御史或由

特簡部院及內務府官員兼充或

定制以督撫兼理因地制宜綱維整肅復以時會  
計其奏課酌劑其價值之重輕與夫鹽法之宜  
更草者奏

聞裁定所以制海場池井之宜以資生計於編氓者  
規制靡不詳備

皇上愛民卹商同仁普利苟所司有腴商自肥者立  
繩之以法以故羣商鼓舞享豐盈優渥之澤於  
無窮蓋法意精良洵非前代所可幾及也

欽定歷代職官表卷六十一

欽定四庫全書

史部

欽定歷代職官表卷六十二

御史<sub>臣</sub>徐如澍覆勘

纂修兼校勘候選知縣<sub>臣</sub>范灃

謄錄監生<sub>臣</sub>李光垣



欽定四庫全書

卷六十二

督監翼右左	督監稅關省直各
司馬	關尹
司馬	
市長	
市長	
諸市署市長	庫署庫署
以丹陽	史 史
市長	石頭方石頭方
市長	山津山津
市長	賦曹 賦曹
市長	
司馬下詳長	關令
市長	關令
市長	以諸道
市長	關令
市長	關令
市長	關令
市長	關令
市長	關令

各直省委道府州縣官監收

石頭方石頭方  
山津主山津主  
賦曹賦曹

關奉關奉  
關奉關奉

春州監諸州權春州監  
常務務  
常官提領  
稅課司





關稅各差

國朝官制

關稅各監督京師崇文門正監督一人

以大臣簡充

副監督

一人

由總管內務府大臣揀選奏充

左翼右翼各一人

以大臣簡充

直隸天

津關一人

以長蘆鹽政兼管

通州二人

以滿漢糧廳兼管

山海關一人

以四五品滿京堂及各部院內務府司員差充

張家口殺虎口各一人

以部院司員差

充潘桃口一人

以多倫諾爾同知管理

龍泉紫荆奇峯五虎固關

白石倒馬茨溝插箭嶺馬水口各一人

以提督兼管委叅將都司守備

把總  
監收

三座塔八溝烏蘭哈達各一人

以理藩院司員差充

奉天牛

馬稅一人

以部院司員差充

中江一人

以京及盛京將軍衙門章

山西武元城一人

以巡撫兼管委交城縣知縣監收

歸化城一人

亦以巡撫

兼管委道  
員監收

山東臨清關一人

以山東巡撫兼管委臨清州知州監收

江南

海關一人

以江蘇巡撫兼管委松江太道監收

蕪墅關一人

以蘇州織造兼管

淮

安宿遷關一人

以內務府官員簡充

揚關一人

以江蘇巡撫兼管委常州鎮揚通監

收  
龍江西新關一人

以江寧織造兼管

鳳陽關一人

以廬鳳織造兼管

湖關一人

以安徽巡撫兼管委安徽寧池太道監收

江西九江關一人

以廣饒南

九道  
管 贛關一人

以江西巡撫兼管  
委吉南贛道監收

福建海關一人

以州將

軍兼  
管 閩安關一人

以州府同知監收

浙江海關一人

以

撫兼  
管 寧紹台道監收

南北新關一人

以杭州織造兼管

湖北武昌廠一

人 荆關一人

以巡撫兼管  
委員監收

湖南辰關一人

以巡撫兼管  
委辰州府知

府監  
收 四川夔關一人

以總督兼管  
州府知府監收

打箭鑪一人

知同

管兼  
廣東海關一人

以內務府  
官員簡充

太平關一人

以巡撫兼管  
委南韶連道

收兼  
廣西梧廠潯廠各一人

以巡撫兼管  
潯州各知府監收

掌於水陸衝會之地設官置吏頒其治禁以安行

旅以通財賄爰繫之稅以便詞幾以佐

國家經費凡權百貨者為戶部分司權竹木及船鈔者為工部分司必行商大賈挾貨殖以牟利者乃譏而徵之物有精麤直有貴賤利有厚薄各按其時地以定應徵之數遵部頒科條刊示木榜俾商賈咸知而吏不能欺其有藏匿姦匪私冒越渡及漏應稅之物者俱論如法監督以一歲報滿則條析經徵之數具疏專達其隸督撫總理者歲周

疏報亦如之皆以冊達部部受其要而會之定其殿最以

聞初制關稅各差皆以戶工二部司員充之尋改差六部司員又改歸地方官管理嗣後隨時斟酌改定或

特簡京員或由部院司員掄選引見除授或歸督撫總理或以將軍織造鹽政兼理京差由部疏請或更代或留任候

旨遵行由督撫等兼管者期滿奏明接管皆因地制宜  
永為恒式焉

歷代建置

三代

周禮天官大宰以九賦斂財賄七曰關市之賦賈  
公彥疏謂關上以貨出入有稅物市若泉府廛布  
總布之等亦有稅物

周禮地官司關上士二人中士四人府二人史四

人胥八人徒八十人每闕下士一人府一人史二人徒四人掌國貨之節以聯門市司貨賄之出入者掌其治禁與其征厘凡貨不出于闕者舉其貨罰其人凡所達貨賄者則以節傳之

鄭康成注傳如今移過所

文書

國凶札則無闕門之征猶幾凡四方之賓客敬

闕則為之告有外內之送令則以節傳出之

國語周語周之秩官有曰敵國賓至闕尹以告

謹案賈公彥周禮疏以闕尹即司闕然司闕掌

國貨之節而闕尹祇主賓客則其職有繁簡之殊顏師古漢書注以闕尹即闕吏蓋每闕有下士闕尹乃下士之職也

周禮地官司市下大夫二人上士四人中士八人下士十有六人府四人史八人胥十有二人徒百有二十人掌市之治教政刑量度禁令凡治市之貨賄六畜珍異亡者使有利者使阜害者使亡靡者使微

鄭康成注司市市官之長

廛人中士二人下士四人府



二人史四人胥二人徒二十人掌斂布歛布總布  
質布罰布屨布而入于泉府

謹案門關之制首見於周禮司關國貨有節出  
入有司治禁有掌不出于關者有罰正與今日  
關稅之政相仿其屬之于地官則如今各直省  
監督之受成于戶部矣至于九賦斂財賄七曰  
關市之賦實以大宰掌之則如今崇文門正監  
督之必以大臣

簡充誠慎重其職掌也直省各關治關而不治市其市賈牙稅皆以守土之官領之唯

京師左右翼監督則八旗田房驗契鈐印及牲畜之陳于衢市者皆要其成焉其制亦以大臣

簡充是兼有周家司市厘人之職于大宰闕市之賦尤相合也考歷代司市市令之制官秩本微如今順天府通判之專管牙稅頗為近之故既著于順天府篇而監督職掌所係亦復相似因並

係之于表且互證其說焉

江永周禮疑義舉要厘人所掌質布蓋償質劑之布也古未有紙大券小券當以帛為之交易以給買者而賣者亦藏其半質劑蓋官作之其上當有符印是以量取賣買之泉以償其費猶後世契紙有錢也

惠士奇禮說司關掌國貨之節以聯門市其法管子行之于齊征于闕者勿征于市征于市者勿征

于關此司關聯門市之法也自外入者征于關關  
移之門門移之市所謂征于關者勿征于市也自  
內出者征于市市移之門門移之關所謂征于市  
者勿征于關也若自內而不由于市自外而不出  
于關然後舉而罰之

謹案兩翼監督有田房契尾之稅今考江永周  
禮說則契尾之稅亦本于厘人之質布蓋質劑  
之交易不可不領之于官與夫司市法六畜則

正衢路牲畜有稅之類皆因事制宜昭信定業  
而惠商裕民之意寓其中矣又考周禮地官卅  
人掌金玉錫石之地而為之厲禁以守之後世  
金官鐵官圻冶諸使並沿其制我

朝礦課領于有司以時開閉不設專官亦不列于  
關稅之課蓋物土宜而寬民力迥非前代所能  
及矣

秦

漢書百官公卿表關都尉秦官

漢

漢書武帝紀太初四年徙弘農都尉治武關稅出入者以給關吏卒食

史記義縱傳竈成家居上拜成為關都尉

漢書張敞傳出為函谷關都尉

漢書百官公卿表京兆尹屬官有長安市令丞

後漢書光武紀建武九年省關都尉十九年復置

函谷關都尉

後漢書陰識傳封陰鄉侯以為關都尉鎮函谷

劉昭後漢書志注漢官曰市長一人秩四百石丞  
一人二百石

謹案前漢都長安所置關津以函谷關為重地  
太初始設關稅以後尤重都尉之選自張敞而  
外見于漢書者霍光以丞相田千秋弟為關都  
尉黃霸子賞嗣侯爵為關都尉與夫何恢翟宣

並係世臣子弟後漢陰識以勲戚通侯出典斯  
職厥制尤重今崇文門監督

特簡大臣典司其事實與古制相符至洛陽市令雖  
品秩卑小不與今之左右翼相近而職事相同  
故節取而列于篇中至漢初令賈人不得乘車  
衣絲重租稅以困辱之誠所以敦本抑末勸民  
為農也其後至武帝元光六年初筭商賈則商  
賈車船有稅矣元符四年初筭緡錢則凡有緡



錢者皆稅矣至于告緡徧天下

以上皆見史記

雖不為

商賈者胥被其害而關稅之重取橫斂有不待言者此漢代之秕政非復立關置權之本意也

### 三國

唐六典注後漢河南尹屬官有洛陽市長丞魏因之

### 晉

晉書職官志侍御史有十三曹江左置庫曹掌廐

牧牛馬市租

謹案晉以侍御史掌襍稅後世設巡關御史實  
昉于此蓋以御史職司風憲可以譏察非常平  
均出入故慎重其選也然京員奉使權闕誠得  
恪守恒制委任得人則裕商便民之政足與守  
土之規相參並舉而如期更代較若畫一亦于  
考成之法有裨豈必專使御史崇其虛名哉明  
代專重御史尚空言而不求實效寔成黨援即

出使一端可見乃晉氏已肇其端參考古今知  
未足為常制也

鄭樵通志諸市署東晉則丹陽尹管之  
馬端臨文獻通考稅契始于東晉

宋齊梁陳

宋書百官志庫曹掌廐牧牛馬市租

唐六典注宋齊諸市署隸丹陽尹梁始隸大府陳  
因之

杜佑通典自東晉至陳西有石頭津東有方山津  
各置津主一人賦曹一人直水一人以檢察禁物  
及亡叛者荻炭魚薪之類出津者並十分稅一以  
入官淮水北有大市自餘小市十餘所備置官司  
文獻通考晉自過江至於梁陳凡貨賣奴婢馬牛  
田宅有文券率錢一萬輸估四百入官賣者三百  
買者一百無文券者隨物所堪亦百分收四名為  
散估歷宋齊梁陳如此以為常以人競商販不為

田業故使均輸欲為懲勵雖以此為詞其實利在  
侵削

謹案商稅之設於稽查征權之中寓崇本抑末  
之意不使田作之民專輸賦稅誠所以劑食貨  
之平也然必行商大賈挾重資以牟利者始在  
稅征之列至于尋常貨賣民生日用之資乃無  
論其文券之有無而概從而征之此江左苟且  
一切之弊政宜其見譏于前志也

北魏

魏書官氏志京邑市令從五品中

文獻通考後魏明帝孝昌二年稅市人者人一錢  
其店舍又為五等收稅有差

北齊

通典北齊黃門侍郎顏之推奏請立關市邸店之  
務開府鄧長顥贊成之

冊府元龜北齊司州牧領東西市署令丞

後周

唐六典後周司市下大夫一人

文獻通考後周閔帝初除市門稅及宣帝即位復興入市之稅每人一錢

隋

隋書百官志闕置令丞官屬立三等之差

唐六典煬帝二年改市令隸太府寺京師東市曰都會西市曰利人東都東市曰豐都南市曰大同

北市曰通遠

隋書百官志司農寺屬官京市有肆長四十人

唐

唐六典關令一人從八品上丞二人從九品上錄  
事一人府二人史四人典事六人津吏八人中關  
令一人正九品下丞一人從九品下錄事一人府  
一人史二人典事四人津吏六人下關令一人從  
九品下府一人史二人典事二人津吏四人○兩



京諸市署各令一人從六品上掌百族交易之事  
丞為之貳

新唐書百官志市署有錄事一人府三人史七人  
典事三人掌固三人

新唐書食貨志德宗時趙贊請諸道津會置吏閱  
商賈錢每緡稅二十竹木茶漆稅十之一以贍常  
平本錢帝納其策

文獻通考文宗太和七年御史臺奏太和三年赦

文天下除兩稅外不得妄有科配其擅加襍權率  
一切宜停令御史臺嚴加察訪者伏見嶺南道擅  
置竹練場稅法至重害人頗深自太和三年赦文  
旬月之內或以督察不嚴或以長吏更改依前却  
置重困齊人伏望今後科配襍權等有出使郎官  
御史令嚴加訪察苟有此色本判官重加懲責從  
之○開成二年武寧軍節度使薛元賞奏泗口稅  
場應是經過衣冠商客金銀羊馬斛斗見錢茶鹽

綾絹等一物已上並稅今請停絕勅旨從之

謹案唐代祿稅繁多諸使並出如租庸兩稅戶口鹽鐵權酤諸名史不絕書而闕津之稅則唯有關令津吏諸末職分隸于各州縣而無專使之官然觀趙贊請于津會置吏稅緡錢及竹木茶漆以贍常平本錢則未免苛碎煩擾甚至赦文停止而諸道轉設為至重之稅法若泗口稅場則金銀見錢有稅一物以上有稅蓋由法制

不定責成不專故官吏得以乘間妄取而實無補于軍國之費也

文獻通考唐有市舶使代宗廣德元年有廣州市舶使

謹案市舶使徵稽蕃貨為海關徵稅之所自始  
五季

孫逢吉職官分紀梁開平元年以潼關隸陝州乃置潼關軍使又改虎牢關為軍仍置使

五代會要周顯德五年敕諸道州府應有商賈與  
販牛畜者不計黃牛水牛凡經過處並不得抽稅  
如是貨賣處祇仰據賣價每一千抽稅錢三十不  
得別有邀難

宋

宋史職官志鹽鐵使掌天下山澤之貨賄關市河  
渠軍器之事以資邦國之用分掌七案三曰商稅  
案

王應麟玉海乾德三年八月辛酉置權貨務京師  
及建安漢陽蘄口並置

職官分紀國朝舊有權易庫因置使

宋史職官志監當官掌茶鹽酒稅場務征輸諸州  
軍隨事置官

文獻通考開寶四年平廣南以同知廣州潘美尹  
宗珂並兼市舶使咸平二年令杭州明州各置市  
舶聽蕃官從便市舶使多州郡兼領元豐中始令

轉運使兼提舉而州郡不復預後專置提舉而轉運使亦不復預矣

宋史職官志提舉市舶司掌蕃貨海舶征權貿易之事以來遠人以通遠物

謹案宋關市之稅內則掌于鹽鐵使外則領于各州郡而屬于轉運使其後亦復專設提舉之官其京師權貨務自開寶時始設而州軍隨事立監當官蓋關稅之職至宋始備與今制亦大

畧相脗合云

文獻通考太祖建隆元年詔所在不得苛留行旅  
齎裝非有貨幣當算者無得發篋搜索又詔榜商  
稅則例于務門無得擅改更增損及創收

李燾續資治通鑑長編淳化二年詔除商旅貨幣  
外其販夫販婦細碎交易不得收其算常稅名物  
令有司條析揭榜頒行天下

謹案今各關務刊刻木榜揭應稅物值之數而



省其奇零使商民周知而吏不得為奸蓋實昉于宋制也

文獻通考李重進平以宣徽北院使知揚州樞密直學士杜韓監州稅止齋陳氏曰以朝臣監州稅始於此然未以此置官也諸州監當分差使臣自太宗始雍熙三年始著於令監當使臣京朝官並三年替仍委知州通判提舉之遂為定員

玉海仁宗時詔場務歲課倍增者乃增使臣一員

監臨又詔取一歲中數為額後雖羨益弗增

陳傳良止齋集藝祖開基首定商稅則例自後累  
朝守為家法凡州縣小可商稅不敢專擅創取動  
輒奏稟三司取旨行下至淳化三年令諸州縣有  
稅以端拱元年至淳化元年收到課利最多錢數  
立為租額比校科罰蓋商稅額比校自此始熙寧  
三年中書奏自來場務課利增虧並自本州保明  
三司立定新額始牒轉運司令本處赴辦往復動

經年歲虛有留滯莫若令本州自此立定祖額比  
較有旨從之本州比較自此始商稅輕重皆出官  
吏之意有增而無減矣政和間漕臣申奏於則例  
外增收一分稅錢而一分增收稅錢窠名自此始  
紹興二年令諸路轉運使量度收稅繁慢增添稅  
額三分或五分而三五分增收稅錢窠名自此始  
謹案遣朝臣監督各路關稅始於宋初削平藩  
鎮之日蓋自唐以來諸藩鎮專有一方重斂侵

掠無復經常之制故以朝臣往監經紀其事其  
後遂為定制而三年則有更替增課則更添置  
使臣嗣後始一歸于轉運使而以州縣官監當  
提舉蓋猶今直省各關或專遣司員或由督撫  
將軍織造鹽政總理而委道府各屬官監收之  
制也商稅之有額昉于淳化間三司取定之租  
額至熙寧間則令本州各自為額而稅以漸增  
自後有添取一分至三五分窠名而征權繁重

是雖有定額之名而加征不啻倍蓰以視我  
朝各關征税設為一定之額永垂恒制不得擅有  
增益者相去蓋霄壤矣

文獻通考熙寧七年詔減國門稅數十種錢不滿  
三十者蠲之其先外城二十門皆責以課息近止  
令隨其開要分等以檢捕獲失之數○元祐元年  
戶部請在京商稅院酌取元豐八年錢數以為新  
額自明年始

謹案宋時國門征稅屬于在京商稅院而統于戶部故額設之增減由戶部奏定其制與今稍異也

遼

遼史食貨志征商之法自太祖置羊城于炭山北起權務以通諸道市易太宗得燕置南京城北有市百物山峙命有司治其征餘四京及它州縣貨產懋遷之地置亦如之雄州高昌渤海亦立互市

以通南宋西北諸部高麗之貨聖宗乾亨間燕京  
留守司請弛居庸關稅以通山西糴易二十三年  
振武軍及保州並置權場

遼史百官志南面財賦官有某州錢帛都點檢

金

金史百官志權貨務使從六品副使從七品掌發

賣給隨路香茶鹽鈔引提舉南京權貨司

貞祐四年置

提舉從五品同提舉從六品勾當官三員正九品

提舉南京路權貨事從六品中都都商稅務司使  
一員正八品副使一員正九品掌從實辦課以佐  
國用都監一員從九品掌簽署文簿巡察匿稅潼  
關二使兼譏察官正七品掌關禁譏察奸偽管鑰  
啟閉副譏察正九品掌任使之事居庸關紫荆關  
通會關會安關及他關皆設使從七品

金史食貨志明昌元年正月制尚書省定院務課  
商稅額泰和七年制院務課令運使差官監權



謹案金制稅務之官較為詳備如居庸紫荆諸  
關皆為今日經制實由金昉也其時商稅有成  
額由尚書省審定蓋隸于戶部而行于提舉各  
官大定明昌之間俗臻富庶亦其規制商民均  
有得宜者耳院務課令運司差官監權正與今  
之督撫委員監收關稅者相似蓋與宋制相仿  
佛也

元

元史百官志大都宣課提舉司掌諸色課程併領  
京城各市提舉二員從五品同提舉一員從六品  
副提舉一員從七品提控案牘一員司吏六人世  
祖至元十九年併大都舊城兩稅務為大都稅課  
提舉司至武宗至大元年改宣課提舉司屬戶部抽  
分場提領所凡十處曰紫虛車西口曰海州新壩  
曰北沙大倉曰安河桃源曰太湖東西口曰時堡  
興化曰高郵保應曰汶湖等處曰雲山白水曰安

東州每所各設提領一員同提領一員副提領一員常湖等處茶園都提舉司秩正四品達魯噶齊

解見理藩院篇

一員提舉一員俱從五品同提舉一員從

六品副提舉一員從七品提控案牘一員都目一員提領所每所各設正同副提領各一員俱受宣徽院劄付

明

明史食貨志關市之征官司有都稅有宣課有司

有局有分司有抽分司場司抽分在南京者曰龍江大勝港在北京者曰通州白河盧溝通積廣積在外者曰真定杭州荊州太平蘭州廣寧河北止鹽山縣宣德四年委御史戶部錦衣衛兵馬司官各一於城門察收舟船納鈔鈔關之設自此始于是有灤縣濟寧徐州淮安揚州上新河許墅九江金沙洲臨清北新諸鈔關量舟大小修廣而差其額謂之船料不稅其貨惟臨清北新則兼收貨稅

各差御史及戶部主事監收正統九年復設甘省  
稅課司成化七年增置蕪湖荊州杭州三處工部  
官初抽分竹木止取鈔其後易以銀尋遣御史權  
稅隆慶二年始給鈔關主事關防敕書

明史職官志監察御史巡關宣德四年設立鈔關  
御史至正統十年始遣主事

王圻續文獻通考工部通州白河抽分竹木局大  
使各一人副使一人盧溝橋抽分竹木局大使一

人副三人大通關提舉一人凡抽分征諸商率三十  
分取十五取六取五取四取三取二取一凡七  
等

明史職官志市舶司提舉一人從五品副提舉二人

從六品其屬吏目一人從九品掌海外諸蕃朝貢市易

之事禁通蕃征私貨平交易洪武七年罷福建廣  
東浙江三提舉司永樂元年復置尋命內臣提督  
之嘉靖元年罷福建浙江二司惟存廣東市舶司

○稅課司大使一人從九品典稅事明初改在京官

店為宣課司府州縣官店為通課司後通課司為

稅課司

謹案明代置鈔關御史專稅諸關船料其兼稅  
貨物則以御史及戶部主事兼理之而竹木稅  
務則屬於工部主事其他稅課河泊之領于州  
縣者與今制畧同惟御史巡關我

朝始從裁去蓋各省關權既由督撫委員監收報

其成于部院而戶工兩部及內務府司員分任  
要地責成嚴重至崇文門兩翼監督每歲奏請  
並以大臣

特旨簡放所以慎重關政者甚至誠無待于別差御  
史徒滋紛擾也考歷代關制至宋始詳而其為  
弊亦復不一文獻通考稱其貪吏苛取私立稅  
場其弊已有不勝言者至于明代中葉以後各  
關津多設無名稅課其尤弊者凡諸市舶店稅



及門關稅務多遣中官主之侵漁百計凌轢官吏剝削商民至于採辦開礦之使紛紜四出則宇內胥被其毒姦民望風希幸納賄中官輒授以指揮劄記任為爪牙窮鄉僻壤皆私立土商名目米鹽雞犬竈取無遺甚至數激民變亦復庇而不問其所得財賄盡以飽權閹之溪壑而昔人通商裕國之經制蕩焉無存矣我

朝釐正關權

寬政頻施前代無名之繁賦芟除殆盡其治於有司者既定經常之額歲終會計與田賦彙疏以

聞而門閹重地督以重臣蒞以封疆大吏關津則有親填循環稽考之簿海舶則有貿易外洋之照內江內河之經歷遼遠者皆給之照以辨姦良所以體恤商賈杜絕姦欺者規制至為詳悉蓋利用通財盡革往代無藝之征而垂億萬年永久之制洵非成周以後所得而比隆者矣

欽定歷代職官表

欽定歷代職官表卷六十二